

Universitätsbibliothek Paderborn

ANALYSIS|| FIDEI CA=||THOLICAE,||

Valencia, Gregorio de

Ingolstadii, 1585

VD16 V 55

Serenissimo Principi Ac Domino, Domino Gvilhelmo, Comiti Palatino Rheni,
Et vtriusq[ue] Bauariæ Duci, &c. Gregorivs de Valentia, Societatis lesv,
æternam à Deo Optimo Max. felicitatem precatur.

[urn:nbn:de:hbz:466:1-47934](https://nbn-resolving.de/urn:nbn:de:hbz:466:1-47934)

SERENISSIMO
PRINCIPI AC DO-
MINO, DOMINO GUILHELMO,
COMITI PALATINO RHENI, ET
vtriusq; Bauariae Duci, &c. GREGORIVS de VALEN-
TIA, Societatis Iesu, æternam à Deo Optimo
Max. felicitatem precatur.

AM multa sunt, Princeps
Serenissime, pro veritate
Catholicæ fidei, aduersus
impia & sacrilega Secta-
riorum placita, nostris
hisce temporibus ab hominibus doctissi-
mis explicata; ut si veritas ipsa solùm, & nō
etiam magis modus quidam quærendi ve-
ritatem (quod Diuus Augustinus sibi per-
suadebat) in quæstionibus de Religione la-
teret; omnis in eo genere scribendi præterea
labor videri non immeritò posset superua-
caneus. Siue enim rerum in differendo co-

★ 2 piam,

Lib. de utilitate
te credendi,
cap. 8.

E P I S T O L A

piam, siue vim ac multitudinem argumentorum, siue testimoniorum pondera, siue quævis alia veritatis ipsius firmamenta quaerimus, quid est, obsecro, quod in omnibus saltem, aut certe in pluribus horum temporum Scriptoribus, magnopere desiderari queat? Et tamen complures indies sunt homines eruditi, qui iisdem de rebus, non modo sine iusta vituperatione, sed etiam cum laude & commendatione multorum, aliquid sibi esse identidem scribendum putant, ut cum non noua planè, sed nouè quedam dicuntur (quod magnæ apud omnes existimationis, idemque vetus auctor, Vincentius Lyrinensis fieri præcipit) magis ac magis veritatis inueniendæ modus monstretur, tandemque intelligatur aliquando illustrius (ut ille auctor inquit) quod antea obscurius credebatur; & posteritas intellectum gratuletur, quod antè vetustas non satis perspicuè planeque perceptum venerabatur. Quo quidē in genere, cum omnes bene institutæ de religione disputationes, utiles sint, tum illæ, omnium iudicio, maxi-

In lib. aduersus hereses.

mē

D E D I C A T O R I A.

mē sunt necessariæ, quæ non vnum modò
aut alterum quæstionis genus tractant, sed
rei summam continent, eaq; principia do-
ctrinæ ostendunt & confirmant, ex quibus
est ab errore veritas in quavis controuersia
discernenda. Etenim vt ij, qui Sectariorum
fraude à Christi Ecclesia sunt abducti, rur-
sus ad eam, hoc est, ad veritatis domicilium,
relieto mendacio, reuertantur; doctrinam
illis Ecclesiæ vniuersam aliqua demum ra-
tione probari posse necesse est: cuius vniuer-
sæ doctrinæ disceptatio, nisi verissimo ali-
quo compendio demonstrationis, certisq;
principiis comprehendatur, quando tan-
dem in tanta quæstionum tum multitudi-
ne, tum varietate terminari poterit? Nam
quòd ipsius veritatis hostes Sectarij, horū
quoq; principiorum, veritatis compendio
concludendæ, inimicissimi sunt, nec nisi
infinitam illam rationem, de singulis sigil-
latim doctrinæ partibus ex solis Scripturis
disputandi, vltrò citroque usurpari volunt;
quid mirum? Nempe homines astuti, nec
magnoperè disputandi cupidi, non eo con-

E P I S T O L A

filio id agunt, ut ipsi multum disputent, sed
ut nunquam satis constare possit, aberrare
eos in vniuersum à vera doctrina, si nunquā
(quod euenire est necesse) immensa illa de
singulis doctrinæ partib' ex Scripturis solis
disputatio absoluatur. Ergo, quoniam ab
omnibus, quoquomodo possunt, pia cau-
taque vigilantia, vt D. Augustinus inquit,
aduersus fraudulentas hereticorum callidi-
tates, fides munienda atque confirmando
est; mihi etiam, Princeps Serenissime, post
tam multos, tamque fructuosos aliorum la-
bores, tentandum existimauit, vtrum modo
quodam probatio vniuersæ fidei Catholi-
cæ ita succincte & aptè colligi tradiq; pos-
set, vt & locus omnis tergiuersandi Secta-
riis obstruatur, & rectâ, sine impedimentis,
in sola Ecclesia Catholica Romana sinceris-
simam veritatem Christianæ religionis re-
periri, facile possit concludi. Animaduerto
enim, cùm multa, quæ ad hoc etiam institu-
tum pertinent, varie & copiosè scripta sint,
tamen à plerisque adhuc certam rationem
desiderari, quæ & initium & progressum &
termi-

Lib. de fide &
symbolo. c. i.

D E D I C A T O R I A.

terminum disputationis de tota summa
veræ fidei rectè, breuiter, ac perspicuè con-
tineat, ne, quod vñu sepe venire solet, de ipso
in primis modo probationis tum delibera-
re opus sit, cùm est doctrina Ecclesiæ Catho-
licæ aut in priuato congressu, aut etiam pu-
blicè confirmanda. Quod si minus id, quod
mihi ad Dei gloriam proposui, præstare vi-
debor; illud saltem nemini futurum ingra-
tum spero, quòd admonebit certè Lecto-
rem hæc nostra methodus, quo loco & ordi-
ne, quæ sunt ab aliis etiam de fidei princi-
piis prolixè & accuratè mandata literis, op-
portuniissimè, in disputatione de vera fide,
vñsurpari possint. Hunc autem Librum meum,
ut in Ser. V. nomine apparere vellem, ra-
tiones aliquot magnæ & illustres apud me
effecerunt. Primùm enim haud scio, Prin-
ceps Ser. ^{mo}, an non in ipsam etiā rationem,
legemque bonæ fidei à me quodam modo
peccatum esse videri posset, si Librum & in
Germania, & Ingolstadij, & in hoc Societa-
tis IESV Collegio, à me pro fide Catholica
elaboratū, alteri præterquam ei, qui & fidei

* 4

Catho-

Catholicæ in Germania columen est clarissimum, & Academiæ Ingolstadiensis à progenitoribus suis magnificè institutæ conservator parensque optimus, & huius Collegij fundator munificentissimus, & Societatis IESV patronus singularis ac sautor, dicauissim. Deinde, cuinam potius inscriptionem huius probationis fidei vel conuenire magis, vel gratiorem esse futuram, existimare potui, quām ei, qui & colit ipse mirificè atque aliis etiam probat, præstantissimarum videlicet quarumcumque virtutum assidua exercitatione, fidem atq; religionem Catholicam, & ab omnibus eam coli similiter atque probari, incensissimo diuinæ gloriæ studio exoptat: Cæterū ipse etiā sentio & intelligo, Ser. ^{me} Princeps, quanto perè mihi iam verendū sit, ne, si rationes reliquas consilij huius mei reddere ita verè, uti possem accœpi, pergam, non tam ego munus gratum Ser. ^{me} V. offerā, quām illius singularem animi moderationem & mihi & omnibus perspectam offendam, dum ea videlicet de præclarissimis suis in omni genere

Capro

*

D E D I C A T O R I A.

nere virtutibus speciatim dicam, quæ licet
S." V." ista ipsa ratione vitæ suæ necessariò
prædicat, ab aliis tamen, vt oratione item
prædicentur, non æquo animo pati solet.
Quare comprimam hoc loco me, & tacitus
diuinam Maiestatem precabor, vt quæ tot,
tamque illustribus suæ sanctissimæ gratiæ
donis, ad Ecclesiæ Catholicæ in his locis fir-
mißimum præsidium, S.^{em} V.^{am} haec tenus
ornauit, eandem etiam sua benedictione è
cœlo in rebus omnibus semper protegere,
indiesq; magis ac magis addiuni Nominis
gloriam sempiternam augere, clementer
dignetur. Ingolstadij, 30. Martij.

Anno Domini

1585.



* 5 Hæc